

延昌四十年 隋開皇二十年 庚申 (西紀六〇〇)

延昌四十一年 隋仁壽元年 辛酉 (西紀六〇一)

按北史高昌傳稱伯雅大母本突厥可汗女其父死突厥令依其俗伯雅不從者久之突厥逼之不得已而從按據隋書突厥傳其俗人死停屍帳中家人親屬多殺牛馬而祭之遶帳號呼以刀割面血泣交下七度而止於是擇日置屍馬上而焚之取灰而葬表木爲塋立屋其中圖畫死者形儀及其生時所經戰陣之狀嘗殺一人則立一石有至千百者父兄死子弟妻其羣母及嫂按高昌自魏廢帝元年附屬突厥至麴寶茂受突厥官職已後一切風俗均依突厥此疑因伯雅之父死而突厥令伯雅復妻其羣母也